

اِسْتِزْهَارِ

نومرو ۱۰

بِخِشْبِه

۱۲ تشرین ثانی ۱۳۲۴

چکیندیکمزی دوشونک، بیلسه کز، سعی و ترقیلری آشکار اولان دیگر بر مملکت ایچنده نه قدر المفزاه نه قدر اضطراب آور!

آشام اولیور. ترنک صورت مستقیانه سندن احترازاً بول کنارلردن فیلاپوب سرعابه طوغری دنباله نمای خشیت اولان مواشینک اوزرینه کونشک صوک شعاعات رطیبه سی، سونوک، سونوک، عکس اییدیور. آغاجلر اوزرینه چوکن سایه، کوی اولرینک صاچاقلرندن دوشن اسیر طامهلر، سققلرنده طولاشان ضیای واپسین، (وی طوش) بالقانک قارلی، بیاض بلوطلی تپه لری، (اسقیر) صویشک آز کوبوکلی طافه لری، واغون پنجره سندن کورله ییلن صوفیه مناظر ابتدایشی، یولچیلرک حاضرلقلری بکا آیری بر تحس ویریوردی. اجنبی بر مملکتدن زیاده نیم اولیان بو دیارده باشقه بر یکیلک ایچنده قالیوردم.

فلسفه، ایسته دیک قدرانسائی قرداشلردن متشکل، افراد بشر آره سنده حصول تعاون تمیسی. صلح وصلاح، فوائد مدینه، حیات رحم وشفقت، تأمین منافع طرفین وامثالی اوطه، درسخانه، کرسی، غزته، کتاب دوشونیشلری بردن بره واغون ایچنده کی حقیقت مبارزه یه منقلب اولدی. بو انقلاب صرف کندی می دوشونمشکدن باشقه بر ساققه ایله وجوده کله مش ایدی. بونک مسببی بالذات بن ایدم. کندی کندیته :

— ایسترسه کونش قارشیمده طوغسون، بن بوراده قاراکلقده قاله جنم دییور، ینه کندی کندیته بو مدعای رد ایدهرک :

— نیچون قاله می؟ هیچ اولمازسه بزده اولمیانلری کوریرم، بو بر آیدینلقدرد. رأیله متسلی اولیوردم .

بیلم نه درلو بر حس ایله باثولی یاقه لایحه واغونک باصه مقلرندن اینه زک صوفیه استاسیوننک ازدحامی آره سندن یول آخغه باشلادم. کوریورسکز آ. ایشه کیریشمک ایچون تشبث شخصی یه اعتماد اییدیورم. مع هداه صاقین بی «ده سانترا لیزه» یعنی معدوم المرکز ظن ایتیک .

احمد راسم

اوروپادن متخصص جلی

اعلان مشروطیت تاریخی اولان ۱۱ تموز ۱۳۲۴ تاریخسندبرو جرائد یومیهمزده دولتک شدتله محتاج بولندی بی تنسیقات عمیق و جدیه نك اجراسی ایچون اوروپادن متخصص مشاورلر جلی حقنده بر خیلی مباحثه لره تصادف ایلدک . مطبوعاتک بر قسمی مملکتهمزده هنوز ابتدائی ویا مذذب بر حالده بولتان امور مالیه و زراعیه نك اصلاحی ایچون شاهراه ترقی و تعالیده بر موقع ممتاز احرازاتمش .

اولان اقوام متمنه دن بعض متخصص ذاتلر دعوت ایلدی فکری شدتله الزام ایدوب مملکت مزده وجودلرله اقتضار ایلدی کمز ارباب اقتدارک احوال علیه وقوفلری دلاتیله ذوات مومی الیه تودیع امورک محسناندن دور ودرار بختلر ایتدیلر. دیگر برقم مطبوعات ایلله برابر برخیلی ذوات ده احتیاجات وطنک اولوجهله رفعمنده بیوک بیوک محذورلر کوردیلر ممالک سآره دن ارباب اختصاص جلبی کویا اوکی متخصصلره آنجق مراکز مدینتدن بعید ایکنجی اوچنجی دولتلر عرض اقتدار ایدرلر مش!

حال حاضرده زه اک زیاده ایراث مضرات ایدم بیله جک بر حس وارسه اوده باطلانه وجاهلانه غروردر. اقوام جهانک فلاکتلرینه اک زیاده اولیه برکبر وغرور سبب اولمشدر . ۱۸۷۰ تاریخده فرانسه — المانیا محاربه سنک ظهوری ملحوظ اولدینی و فرانسه مجلس مبعوثاننده بوکادار مناقشه لر وقوع بولدینی زمان حربیه ناظری مارشال «لوبوف» هیئت مبعوثانه قارشو «عسکر مزک توزلقلرنده بردوکه بیله اکسیک دکادر» دیمش ایکن فرانسه نک فصل برهزیمته اوغرا دیغنی و اوغیور فعال و فطین قومک حالاقسماً اوچنجی ناپولیون رجالنک سیناتی چکمکده اولدیغنی نظر امعاندن دور طوتمالی ز . وقایع تاریخیه برتجدد دائمیدن عبارتدر . دولت علیه رجالی بو حقیقت اساسیه و مهمه یی اونوتمشدر در . ماضی یی ، خصوصیه مقدس وطنمیزک ماضیسی اطرافیه تدقیق و تتبع و حال حاضر یی اکاکوره اداره ایتلی زکه بتون عثمانیلرک صبر سزقله امید وانتظار ایتدکلی آتی دور سابق ایلله دور جدید آره سنده بر خط فاصل مستقیم چکک جک صورت متمنه ده تحلی ساز اولسون . اجنبی مشاورلر جلبی کیفیتنک حسیات ملیه مزه کران کله جک برجهتی اولدیغنی اکلامق ایچون ژاپونیا ناک ، جهان مدینتی ترقیات معنویه و مادیه سیله حیرتده بر اقان بویکی دولت معظمه نک بو خصوصده تعقیب ایلدیکی مسلکی تدقیق ایدلم : بوندن قرق سنه مقدم ژاپونیا متغلبه ودره بکلر غالمه سندن قورتیلور قورتلمز ، بالنسبه منتظم بر عسکره مالک اولقله برابر ، اوزمان عسکرلکده اک ایلری کتمش بولنان فرانسه دن بر هیئت عسکریه جلب ایدره ک اردوسنک تنسیق

واصلاحه کمال جدیدتله تشبث ایتدی . و برخیلی موفقیات استحصا ایتدی .
 او یله ایکن ۱۸۷۱ سنه سی محاربه سی المانلرک فن حربده کی تفوق و مهارتلیخی
 اثبات ایتدیکندن ژاپونیا المانیان دنخی بر هیئت معلمه جلی . « سورتیله تزیید
 استفاده جهته کندی . المانیا امرای عسکریمه سندن نامدار بر ذات طوکیویه جلب
 اولندی . و سائر امور عسکریمه ک بر قاده ا تنسیقی ایله برابر مکمل برارکن حرب
 هیئتکی تشکیل ایلدی . ژاپونیا بوقدرله ده اکتفا ایتدی . شعبات اداره سنی ده
 اصلاح ایتدی . الحاصل الیوم جهان مدینک قطب سیاسینی تبدیل ، اوروپا لیلری
 مطمح نظر لری اولان آسیان طرد ایله « آسیا آسیالیر کدر » دستور سیاسینی
 اعلان ایدن ژاپونیا غبطه رس جهان اولان مرتبه کلاته بوجهله واصل اولدی .
 اوروپا ده دخی بوکا دار مثاللر یوق دکدر . روسلر المانلردن یک چوق شیلر
 اوکر نمشلردر . بالقان شبه جزیره سنده کی حکومتلره ککنجه بونلرک مربی و معلم لری
 هب اوروپا حکومتلردن جلب اولان ذوات مقتدره در . شو حالده خارجدن
 بزی تعیب ایده جک ، عجیز مزه حکم ایلیمه جک برکسه اوله مز . و مسئله نک حب
 نفس مزه طوقونه جق بر جهتی ده قالمز . ممالک متمندن متخصس جلب ایتک
 لازم دکدر . بتون شعبات اموره اصلاحات و تنسیقات اجرا سنه قادر ارباب
 کمال موجوددر . دینلرده واردر . بوفکرک طوغری اولمسی ازل و جان
 آرزو ایدرز . فقط حقایق احوالی بیطرفانه تدقیق ایده جک اولور سهق نتیجه سنده
 اوفکرک عدم اصابتی تصدیقه مضطر قالورز .

دور اعتلا به قدر ممالک عثمانیه ده اوزمانلر معلوم اولان قنون و ترقیات مادییه
 واقف آدملر موجود ایدیه ده دور انحطاط و تدنیه عثمانیلر صرف علوم
 دینییه ایله مشغول اولمشلر و اوروپا لیلرک فرسخ فرسخ ترقی ایدرک وجوده
 کتیر دکاری اختراعاتدن بی خبر قالمشلردر . بو حال سلطان سلیم ثالث دورینه قدر
 دوام ایلمشدر . بو پادشاه عالی جاه مملکتک اک زیاده ارباب فن و صنعته محتاج
 اولدیفنی تقدیر ایلیمه رک مهندس خانه بری و بحری کبی مکاتب عالییه کشاد ایتدیرمش
 و اخلاقی سلاطین عظامک بلذرهت و اقدام لری سایه سنده ده حربیه و سائره کبی

مکاتب عالیہ تالیس اولئمشدر . بومؤسسات جلیله نك وجوده کتیرلمسی کرچه موجب شکران ایسه ده امور معارفده اک زیاده حاز اهمیت وهرشیئک اساسی اولان تحصیل ابتدائی به لایقیله دقت و همت ایلماش اولمسی پک بیوک برنقصاندر . تحصیل ابتدائیک لزوم و اعمیتی بوکون دخی حقیله تقدیر ایملیور . مکاتب ابتدائی مزده وحتی رشدی واعدادی مکتبلر مزده کی اصول تحصیل قدر منطقسمز و اساسمز بر اصول تصور ایذیله مز . بوندن طولابیدرکه وطنداشلمزدن برقسم مهمنک تحصیل فنون وعلوم امرنده کوستردکاری خواهش و تها لکه رغماً فعالیت بشریه ده و شعبات اداره ده قوی و متین اساسلر وضع ایذیله جک دستگاهلر قوره جق ذوات یتشه مامش و مساکلر نده ترقی ایتک و بزده بسبتون مفقود تطبیقاتی تعذیب ایلمک اوزره اوروپایه طلبیه اعزامندن دخی ثمرات کافیه حاصل اولما مشدر . بونک باشلوجهمسی تحصیل ابتدائیک نقصانی و برده اعزام ایذیلان طلبه نك حسن انتخاب ایلمامسی و نهایت طلبیه عددینک احتیاجات مزه نسبتاً پک آز اولمسی کیفتلریدر .

اوروپاده ارباب اختصاص یتشدیرلدیکی یولنده تفاخر لر اراق نابجادر . الیوم بزعمانلیلر هرملتک مدت حیاتنده بردفعه کچر دیکی بردور مهمده بولونیسورز . کندیمزه پارلاق براسقبال تهیته و احضار ایذیله جک دور ، اشته بودوردردر . بزشمدی خاطرزه کوکله باققسمزین حقیقتی تسلیم و اعتراف ، وهرشیئی کمال اعتدال و تانی ایله و بالاطراف دوشونمکله برابر دوشوندکر مزی سرعتله موقع تطبیقه وضع ایتلی بز . اشته بودوشونجه لر مزی بزى الیوم اقوام متمدنه نك تدریجاً واصل اولدینی مرتبه تاملی و کلاله واصل اولمق ایچون اجرایی لازمکن تشکیلات و نسیقاتی تمامیه تطبیق ایذیله جک ذواتک فقدانی تسلیمه خواه ناخواه سوق ایذیور . بو حقیقت آجیدر . فقط بونی تسلیمدن امتناع ایذیله جک اولورسق نتیجه ده آجی اولور ؛ ترقیاتمز تأخر ایدر . اوروپاده آره مزدن متخصص یتشدیرمکه چالشمق دخی عینی نتیجه به منجر اولور . شوسبیلله وقت قزائمق ایچون ایشه اول امرده اوروپادان ارباب اختصاص جلیندن باشلاملی بز .